

Көктемгі егіс науқанына дайынбыз ба?



2

Кей ауылдың үйінен бейіті көп



4

Салынба, қылсаң-дағы сан құмарлық



6



Орталық Қазақстан

Қ А Р А Ғ А Н Д Ы О Б Л Ы С Т Ы Қ Қ О Ғ А М Д Ы Қ - С А Я С И Г А З Е Т І

www.ortalyq.kz

www.instagram.com/ortalyq.kz/

СЕЙСЕНБІ, 21 АҚПАН, 2023 ЖЫЛ №21 (23 197)

www.facebook.com/ortalyq.kz/

info@ortalyq.kz

ДАБЫЛ ҚАҒАМЫЗ!

Кемерінде сынап кілкіп Нұраның...

1978 жылы Дүниежүзілік денсаулық сақтау ұйымы Қарағанды және Ақмола облыстарының аумағына ағып өтетін Нұра өзенін «әлемдегі ең ластанған су айдыны» деп атады. Тіпті, өзеннің төменгі жағында орналасқан елді мекендер, ауыл шаруашылығы жерлері, ЮНЕСКО-ның қорғауына да алынған кез болған. Сарыарканың салқар даласы да, сары ала үйрегі ұшқан ауасы да, қазір кіршіксіз деген сөзге кім сене қоятындай. Жерімізге әр берген, елімізге нәр берген Нұра өзенінің құрамынан экологтар тағы да сынап тауышты. Тіпті, сырғыған сынап ана сүтінен де шыққан.

Ерқанат КЕЦЕСБЕКҰЛЫ, «Ortalyq Qazaqstan»

Сынабы бар су ішкен...

Қазақстанның Ұлттық гидрометеорологиялық қызметі 2019 жылы және одан кейінгі жылдары да өзенде сынаптың көбейіп кеткенін ресми хабарлады. Суды адам ішеді. Сынап қазір адам шашы мен ана сүтінің құрамында да бар екендігін анықтады. Нұраның суымен тұрғындар жазда бау-бақшасын суарады, төрт түлік малы да сол суды ішеді. Өзеннен балық аулап жейтін жұрт бар. Желіде де дабыл қағып жатырмыз. Үкімет бұл мәселеге шындап назар аударуы тиіс. Бұл бір өңір шеше салатын дүние емес екеніне көздеріңіз жетті, – деді эколог Дмитрий Калмыков.

Мамандардың мәлімдеуінше, өзен суындағы сынап адамның жүйке талшықтарын зақымдайды. Бұл – бірінші кезекте әйелдер мен балалардың денсаулығына қауіпті. Сынап балалардың ақыл-ой дамуын тежейді. Бүгінде Нұра өзенінің маңында тұратын жұрт биліктен күдер үзіп, мәселені ашық айтудан шаршаған. Жағдайы келген көптеген тұрғын бұл маңнан көшіп те кеткен...

Өзенде бұрыннан қалып қойған ескі коллектор бар көрінеді. Коллектор дегеніміз – кәдімгі қажет суды қабылдап, сыртқа бағыттайтын арнайы құбыр. Көп жылдар топырақ қабатына сіңіп қалған сынап осы коллектор арқылы өзенге құйылып тұрған. Экология департаменті Нұра өзеніндегі мәселені шешу үшін коллекторды алып тастау керек деп пайымдайды. Яғни, бұл мәселемен мемлекет айналысуы керектің, коллектор «тарихи нысанға» жататынын меңзеуде.

Нұраға сынап қайдан келді?

Әлқисса, кешегі кеңес үкіметі уағында Теміртау қаласындағы «Карбид» деп аталған химиялық зауыт Нұра өзеніне тонналап сынап төгіп, оны лаптап тастаған-тың. Синтетикалық каучук өндіретін бұл зауыт жұмыс істеген 47 жыл ішінде өзенге 1500 тоннадан астам сынап төгіп жіберген. Сынапты каучук өндірісінде химиялық реакцияның катализаторы ретінде пайдаланған. Ол кезде жұрттың денсаулығын қадағалаған советтік денсаулық сақтау мекемелері мұндағы қарақоздердің салауатын «елемеген» екен. Не болмаса, «көрмеген». Не болмаса, «білмеген».

Кейінірек тәуелсіз елдің үкіметі мәселеге мән беріпті. Жаңа ғасыр басында Нұра өзенін сынаптан тазарту үшін халықаралық банктен 130 миллион доллар қаражат алған. Өзенді экологиялық тазарту кезінде үш миллион текше метр қалдық шығарылып, арнайы полигонға көмілген екен. Сыртқа шығарылған қалдықтар ішінде түрлі кокстармен кеса топырақ қабатындағы сынаптар да анықталды.

Желге ұшқан

130 миллион доллар

Қош. Қаражат игерілді. Шығынды

салық төлеушілер әлі өтеп келеді... Нәтиже жоқ. Облыстық экологиялық мұражай экологтары 2013-2014 жылдары прагалық «Арника» қоғамдық бірлестігімен бірігіп, Нұраның бойында зерттеу жұмыстарын қайта жүргізді. Ақыр соңында сарапшылар сынаптан өзеннің жағасы ғана тазарғанын,

ры мөлшері (10 мг/кг) анықталғанын көрсеткен. Ең жоғары көрсеткіш (177 мг/кг) зауыттың төменгі жағындағы Қызыл жартас маңында тіркелген. Салдарынан бүгінде өзеннің өң бойында сынап денгейі айтарлықтай көбейіп кеткен. Мұның кесірі өзегі талса, өзен жағалайтын жергілікті

Нұраға тонналап сынап төгіп, ластанған химиялық зауыттың орнында бүгінде Теміртау металлургиялық комбинаты тұр, жұмысын жасап. Бұл комбинат коллектордың орнына жаңа тазарту қондырғысын орнатуды көздейді. Алайда, ресми билік кәсіпорынның қалдық суын қайда төтетіні жөнінде нақты рұқсат бермеді.

– Су алсақ, одан қоймалжың зат көреміз кейде. Бізді қойшы, балаларымыз бар емес



Эколог Д.Калмыков – Нұра жағасында

ал су түбіне тазарту жұмыстары жасалмағанын айғақтады. Сарапшының айтуынша, өзен суы мен топырағынан алынған сынаптарды Прагадағы химиялық технологиялар институты талдаған. Зерттеу нәтижесі өзен түбіндегі құм мен алты түрлі топырақ сынамасынан сынаптың жоға-

алыққа тиіп отыр. Нұра – Қорғалжын табиғи қорығындағы Теңіз көліне құятын жалғыз өзен.

Туған жерден кете салған кімге оңай?!

Ал, біз жоғарыда айтқан заманындағы

пе?! Олардың болашағына алаңдаймын. Туған жерден қоныс аудару оңай емес, – дейді аты-жөнін атамауды сұраған Тегісжол ауылының тұрғыны.

Өзені де, кезені де кірлеген елдің көнілі күпті. Қылар қайраны кем...

ЖЕТИ ҚАЗЫНА

Жез қарғылы желтабан

«Кесіп-кесіп тастайтын кетпен қарам туды ма?» деп ер бала тұса қуанған қазақ итінің күні енді туды. Бұлай деуімізге себеп – кеше қабылданған қазақы тазы мен тобетті қолдап-қорғауға негізделген жаңа заңнама, Президент пәрмені. Өткен 2022 жылы Мемлекет басшысы Қасым-Жомарт Тоқаев қазақы тазы мен тобетті сақтау жұмысын қолға алуды тапсырған болатын. Бұған сай арнайы Заң жобасында ғылыми ұйымдар жүзеге асыратын қазақы ит тұқымдарын сақтау және өсімін молайту саласында ғылыми зерттеулер жөнінде норма көзделген. Заң жобасының нормаларын іске асыру үшін 1,4 млрд. тенге қажет болды. Бұл сома 2022 жылғы 18 қазанда республикалық бюджет комиссиясының отырысында қолдау тапты. Аталған заң бүгінде Сенатқа жолданды.

Десек те, қазақы тазы мен тобет еш жерде тіркеуде жоқ. Кешегі Кеңестік дәуірдің кесірі әлі қайтаған-ау. 40-шы жылдың қолдан жасалған қырғынынан соң ит терісі керек деген жалған ақпармен қазақ даласының иттерін Кеңес үкіметі түгел жойған. Бүгінгі бұйрат басынан бөрбасар әуһілдеткен әлімсақтың ұрпағы едік деген құрғақ сөз, құр қиқудан не пайда? Таза қанды тазы стандарты әлі сол баяғы 1958 жылы орыс ғалымы Аркадий Слудский зерттеп қойған кемелден аса алмай тұрса. Бізде сонда ғалым жоқ па, таным жоқ па?

Жан АМАНТАЙ, «Ortalyq Qazaqstan»

Ген анықтап, талап қояр маман ташы

Қазақылық деп қақсамас бұрын алдымен қазақылыққа қалай жетеміз, соның жолын жоспарлаған жөн бе қалай?! Мысалы, бір деректерге сүйенсек, қазақы тазының көршілес Ресей мемлекеті «Орта Азия барзоысы» деп патенттемек болған деседі. Олардың тұжырымынша «қазақ деген қарапайым елге мұндай ит қайдан келсін, біздің орыс барзоысынан тараған ит тұқымы» дегісі келсе керек. Алаңдатар жағдай. Мұны естіген еліміздің атқамінерлері жағалай жарыса тазы қазақты оны өзіміз патенттейміз дегенді айтып, іске көшті. Десек те, кәнігі маманның дәйегіңсіз екінің бірі тазысын италақадан туған Құмай, қала берді қашқанның құтқармас түйғын деп таныстырады. Қазақстанда не коп, тазы көп. Оның қайсы қазақы, қайсы шата, ал, қайсы дүрек екенін қайдан білмекіміз?! Қош.

Жалпы, елімізде 644 қазақы тазы және 8 қазақы тобет тіркеуде тұр. Өзірге арқа қақтырып арқаланар жетістік – осы. Бұл иттер де сол Слудскийдің сұрыптама-сынан шыққан нәтиже. Расында, қазақы тазыға ешбір иттің ілесе алмайтынын еуропалықтар XIX ғасырда мойындаған. Тіпті, 1876 жылы Париж университетінің профессоры Карл Южвалфи ғылыми еңбегінде: «Қазақтар аңшы иттерін тазы дейді. Олар – басқа аңшы иттермен салыстырғанда есті, несін берілген, адамдарға мейірімді», – делінген. Аты алты құрлыққа ұлықталған француздарды тамсандырып, қолжазба арнатқан қазақы құмай арада екі ғасыр өтсе де, қазақты екені құжатқа еңбеді, еленбеді.

Арнайы мекеме мамандары облысымызда стандартқа сай таза қанды тазы мен тобет бар ма, тіркелген бе деген сұраққа мүлде жауап қата алмады. Тізгін тұқыртып, тымақ астынан тұмаурата сөйлеп



«бұл біздің құзырымызда емес» деген құрғақ сөзбен шығарып салды. Одан қалды, орман шаруашылығына сілтпе мардымды жауапты солар береді деп сен-

дірді. Орман шаруашылығына бұл уәжбен шыққанда, олардың жауабы мынадай болды: Біз тек жабайы аң-құстарға жауаптымыз, деп қысқа қайырды... ➤ 4-бет

ЕҢБЕКПЕН ҚАМТУ

«Күміс жастың»

мүмкіндігі молаяды

Елімізде іске қосылған «Күміс жас» жобасының мақсаты – зейнет жасына жақындап қалған адамдарды қолдау және еңбекпен қамту. Бұл жоба бұған дейін 60 жастан асқандарға қарастырылып келген болса, биылғы жылдан бастап 50 жасқа дейін төмендетілді.

Сағынш ӘБІЛ, «Ortalyq Qazaqstan»

Аталған жоба кәсіпкерлікті дамытудың 2021-2025 жылдарға арналған ұлттық жобасы аясында жүзеге асырылуда. Оның қатысушыларының басым көпшілігі бала күтімімен үйде отырып қалғандар, түрлі себептермен жұмыс істеуге мүмкіндігі болмағандар. Жобаның тиімділігін арттыру мақсатында үш жылға дейін жұмыспен қамту көзделген. Әрі мемлекет жұмыс беруші кәсіпорына субсидия төлейді. Еліміз бойынша, жылына 15 мың адамды жұмыспен қамту көзделген. Бұл жоба аясында аймақта да нақты іс-шаралар жүзеге асуда.

– Жоба зейнеткерлік жасқа дейінгі жұмыссыз адамдарды жұмысқа орналастыруға арналған. Қатысу мерзімі аяқталғаннан кейін, жұмыс беруші қызметкерді тұрақты жұмыс орнына орналастыруға міндеттеледі. Көпшілендірілген табыс адам зейнетке шыққанға дейін болуы керек. Субсидиялау мерзімі 12 айға дейін. Ай сайынғы субсидия мөлшері белгіленген жалқының 50%-ы, әрі 30 айлық есептік көрсеткіштен аспайды. Былтырғы жылы 292 адам қатысты, – деді өз есебінде облыстық жұмыспен қамту үйлестіру және әлеуметтік бағдарламалар басқармасының басшысы Әсем Жүнісбекова.

Жұмыссыз зейнеталды адамдардың әлеуетін ашуға мүмкіндік беріп отырған жобаға қатысу мерзімі үш жылға ұзартылды. Сәйкесінше, субсидияланатын жалқы мөлшері жыл сайын 70%-65%-60%-ды межелейді.

ВАЛЮТАЛАРДЫҢ РЕСМИ БАҒАМДАРЫ:

●EUR/KZT 472.48

●USD/KZT 444.23

●RUB/KZT 5.96

●CNY/KZT 64.54

Қазақстан Ұлттық Банкінің 20 ақпан, 2023 жылғы дерекі бойынша



• ТАҒАЙЫНДАУ

Басқармада – жаңа басшы

Қарағанды облысының табиғи ресурстар және табиғат пайдалануды реттеу басқармасының басшысы қызметіне Бақтияр Жұматайұлы Санбаев тағайындалды. Бұған дейін ол осы мекемеде басшының орынбасары қызметін атқарған.



Бақтияр Санбаев 1986 жылы Балқаш қаласында дүниеге келген. Екі жоғары білімі бар: Қарағанды мемлекеттік техникалық университетін (төтенше жағдайларда қорғау, тіршілік қауіпсіздігі және қоршаған ортаны қорғау) мамандығы бойынша білім алған және Орталық Қазақстан академиясын «құқықтану» мамандығы бойынша бітірген.

2009 жылдан бастап мемлекеттік қызметте. Қарағанды облысының жұмылдыру дайындығы, азаматтық қорғаныс, авариялар мен дүлей зілзалалардың алдын алу және жоюды ұйымдастыру департаментінде әртүрлі лауазымды қызмет атқарды. Бақтияр Жұматайұлы 2013 жылдан бастап Қарағанды облысының Табиғи ресурстар және табиғат пайдалануды реттеу басқармасында жұмыс істейді: бас маман, кейін бөлім басшысы, 2020 жылдың маусымынан бастап осы тағайындауға дейін басшының орынбасары болды.

Өз тілшімізден

Көктемгі егіс науқанына дайынбыз ба?

Өңірде көктемгі егіс науқанына дайындық жүріп жатыр. Биыл Қарағанды облысында 1,1 млн. га алқапқа дән сіңіріледі. Картон пен көкөніс алқабының да көлемі артады. Ауыл шаруашылығы басқармасының басшысы Асқар Санаубаров көктемгі егіс науқанына дайындық барысы туралы айтты.

Гүлнүр СЕРІКЖАНҚЫЗЫ, «Ortalyq Qazaqstan»



– Биыл көктемде дөңді дақыл егілетін алқап 1 105,5 мың гектарды құрайды, бұл өткен жылғы деңгейден 43,7 мың гектарға артық. Дөңді және дөңді-бұршақты дақылдар 957,2 мың га, майлы дақылдар – 59 мың га, жемшөп дақылдары – 76,2 мың га жерге егіледі. Ауыл шаруашылығы құрылымдарында картоп отырғызуды 12 мың га алқапқа жоспарланған – өткен жылмен салыстырғанда 526 га, көкөністер – 1,7 мың га артық, – деп хабарлады басқарма басшысы Асқар Санаубаров онлайн режимде өткен аппарат жиынында. Оның айтуынша, тұқымға қатысты

мәселелер жоқ. Бірінші репродукциялы және элиталы тұқымдарды пайдалану артады. Сонымен қатар, минералды тыңайтқыштарды қолдануға басымдық беріледі. Бұл өз кезегінде жерді ұтымды пайдалану және өнімділікті арттыру үшін қажет. Өңірде суармалы жердің көлемі де ұлғайтылады. Сондай-ақ, көктемгі егіс науқанына 10 мыңға жуық трактор, 248 егіс кешені және 4774 сепкіш қолданылады. Арзандатылған дизель отынын бөлу қарастырылған. Егін ету үшін фермерлер «Кең дала» жеңілдікті несиелеу бағдарламасы



ҚАРАҒАНДЫ ОБЛЫСЫНЫҢ ӘКІМДІГІ

• БРИФИНГ

Тәубесі жоқ тариф

Қоғам болған соң жең ұшынан жалғасқан жемқорлық қылаң беріп жататыны ақиқат. Жана Қазақстан құрып жатқан бүгінгі уақытта құзырлы мекеме бұл дертпен күресудің де жаңа тетігін тауышты. Бүгінгі бағдарда сандық көрсеткіш емес, сыбайлас жемқорлық тәуекелдерінің картасы түр. Бұл – Президент тапсырмасын орындау барысындағы түпкі тұжырымдама. Тольғырақ тілшілермен өткен баспасөз конференциясында Сыбайлас жемқорлыққа қарсы іс-қимыл агенттігінің өңірдегі салалық департаментінің басшысы Мұрат Ахтанұлы хабарлады.

Ерканат КЕҢЕСБЕКҰЛЫ, «Ortalyq Qazaqstan»

Құжат өн бойына өңір халқының қордаланған мәселелерін жиыпты. Ендігіде майшаммен қарарлық маңызды мәселелерді майдан қыл суырғандай етіп шешу үшін қажетті шаралар кешені қабылданды. Ең бір өзектісі – тұрғын үй-коммуналдық жүйесіндегі негізсіз тарифтермен тәйтәлас.

Алпамыстай сағат сайын шарықтаған баға, жергілікті жұрттың қалтасын қағып тұр. Түрлі желеуді жалауша желбіреткен монополистер, тіпті, ырық бермей кетпесі бар ма?! Облыс тұрғындарының шағымдары өткен жылы уәкілетті органға жосықсыз тағайындалған тарифтердің заңдылығы тұрғысында арнайы мониторинг жүргізуге сеп болды. Нәтижесінде, коммуналдық қызметтер саласында 8 қаланың (Қарағанды, Балқаш, Приозерск, Жезқазған, Сәтбаев, Абай, Шахтинск, Саран) және 6 аудан тұрғындары электр энергиясына негізсіз артаған 2,5 млрд. тенгесін үнемдеп үлгерді. Балқаштың 73 мың тұрғыны 200 млн.тенгеден астам сомаға жылмен және сумен жабдықтау жөніндегі коммуналдық қызметтерге артық тарифтерді төмендету жолымен шығынын өтеді.

– Біз осы саланы тізгіндегендіктен, өңірдің барлық негізгі әлеуметтік проблемаларымен таныспыз. Бұқараның сынынан туындаған жайттарды бақылауға алып, қадағалаймыз. Сараптаймыз. Сол арқылы жемқорлық тұрғысынан қауіпті тұстарды анықтап, облысымыздың сыбайлас жемқорлық тәуекелдерінің картасын жасадық. Жігін тапқан жұмыс жүйесін де тапты. Енді тек байыппен ел игілігіне жұмыс жасау – мақсатымыз, – деді Мұрат Ахтанұлы.

P.S.: Бұл жолғы брифинг бірінғай өтпеді. Жаңбырша жауған журналистер сауалдарына спикер лайықты деңгейде жауап бере білді. Қос тілді қос қолындай игерген сала басшысы тілшілер қауымының «баспасөз баяндарыңыз сирек келеді» деген сауалына, «жемқорлықпен күрес тағат пен байыпты қажет етеді» деп жауап беріп, БАҚ өкілдеріне арнайы пресс-тур өткізетінін уәде етті.

• COVID-19

Қауіп сейілген жоқ


Қазіргі уақытта індеттің өршуі бәсеңдеп, тұралаған экономика жанданып, дами түсті. Дегенмен, қауіп сейілген емес. Денсаулық сақтау министрлігі баспасөз қызметінің мәліметінше, бүгінгі таңда 1664 адам коронавирустан емделуде.

Сағынш ӘБІЛ, «Ortalyq Qazaqstan»

Облыстық санитарлық-эпидемиологиялық бақылау департаментінің мәліметінше, аймақта коронавирус инфекциясының 572 жағдайы тіркелді. Оның ішінде, 554 жағдай симптомды, 18 жағдай аурудың клиникалық белгілерінсіз.

Пандемия басталғаннан 19 ақпанға дейін COVID-19-дың 163 662 расталған жағдайы (Ұлытау облысымен

бірге) анықталып, оның ішінде, Қарағанды облысы аумағында барлығы 162 466 жағдай тіркелген. Қарағанды облысында соңғы тәулікте 9 науқас анықталды. Жалпы, тәулігіне орта есеппен 16 жағдай тіркелуде. Облыс – «жасыл» аймақта. Сырқаттанушылық деңгейі алдыңғы аптамен салыстырғанда 7,9% төмендеді.



Халық өз әкімін қайта таңдады

Қазақстан Республикасы «Сайлау туралы» Заңына енгізілген өзгерістер бойынша 2021 жылдан бастап, аудандық маңызы бар қала, ауыл және кент округтері әкімдерін тікелей сайлау жүзеге асырылуда. Соған сәйкес 12 ақпанда Абай ауданының Дубовка ауылдық округі әкімін сайлау өтті.

Ержан ИМАШ, «Ortalyq Qazaqstan»

Абай ауданында мұндай жүйемен сайлау бірінші рет өтіп отырған жоқ. Егер осы аумақта 14 ауылдық және кенттік округтер, Абай қаласы болса, бұған дейін соның 10-ында сол аймақ тұрғындарының өздері алдағы 4 жылға әкімдерін сайлап алған болатын. Ендігі кезек Дубовка ауылдық округіне де жеткен.

Сол күнгі, яғни 12 ақпанда өткен сайлау қорытындысы туралы осында құрылған 449-шы учаскелік сайлау комиссиясының төрағасы Дина Жантеловадан сұрап, білген едік. Оның айтуынша, бұл ауылда тұратын 4011 адамның 2514-і сайлаушылар тізіміне енгізіліп, соның 1534-і (61 пайызы) дауыс беріпті. Нәтижесінде дубовкалық сайлаушылардың 71 пайыз дауысын жинаған осы округ әкімі қызметін 4 жыл бойы атқарып келген Ерғали Қысырауынов «АМАНАТ» партиясы атынан дауысқа түсіп, өз орнына қайта сайланған. Онымен бәсекеге түсіп, өз-өздерін ұсынған екі үміткердің бірі, Дубовка Мәдениет үйінің директоры Әлия Шырынбекова тиісін-

ше 26 пайыз, ал Абай қаласының мектеп мұғалімі Меруерт Құсайынова 7 пайыз дауыс жинап, мәреден өте алмады.

Бұлай алып қарағанда, бұрынғы әкімнің орынтағына қайтадан отыруы жаңалық емес бұл ауданда. Осылайша Есенгелді, Мичурин, Қарағанды ауылдық округтері, Абай қаласында да әкімдер өз орындарын сақтап қалған. Оларды бұрынғыдай жоғарыдан әкеп, тағайындап жатқан ешкім тағы көрінбейді. Сонда бұлар халыққа несімен жақты екен деген ой туындауы сөзсіз. Өрине, соншалықты елдің сеніміне не болып, абырой алу оңай болып па?! Өңірдің тыныс-тіршілігін, адамдардың жүрек лүпілін тамыршыдай тап басып, мұң-мұқтажына құлақ асып, халыққа жаны ашитын басшы болу керек ол. Президент реформасының да, «Естінгі мемлекет» жобасының мәні де, көздейтінін де осы гой.

Ендеше бізге жолығып, пікір білдірген сайлаушылардың кімге, не үшін дауыс бергенін тыңдап көрелік. Не айтар екен олар...
Әйгерім Ыбырайхан:



– Мен өзіміздің бұрынғы әкім Ерғали Қысырауыновқа дауыс бердім. Ол қызмет істеген төрт жылда ауылымыз абаттанып, жаңадан почта, әкімдік үйілері, стадион салынып, балалардың ойын алаңдары іске қосылды. Тозығы 90 пайызға жеткен кәріз жүйелерін жаңғырту қолға алынды. Осы және басқа да жақсы бастамаларын өзі аяқтар деп ойладым.
Мақсат Әукенов:
– Мен де Қысырауыновты қолдап, дауыс бердім. Өйткені, оның ауылда жасап жатқан игі шаруалары аз емес. Мәселен, мектеп, Мәдениет үйлері жөнделіп, 2-3 қабатты үйлердің бос пәтерлері қалпына келтіріліп, оларға 20-ға тарта отбасы қоныстанды. Ауылымызда ауыз су жүйесі таратылуда. Оны жалғастырып, аяқтау да оның сайлауалды бағдарламасында көрсетілген. Сонымен, Қысырауыновтың орнын-



да қайта қалуына «көкелерінің» емес, көпшіліктің қолдауы, халықтың сенімі көмектескеніне көзіміз жеткендей. Абай ауданы

Қарағанды қалалық сайлау комиссиясының 2023 жылғы 15-18 ақпан аралығында Қарағанды қаласы бойынша депутаттыққа кандидаттарды тіркеу туралы ХАБАРЛАМАСЫ

Table with 4 columns: Candidate Name, Birth Date, Work Place, Election District Number. It lists candidates for the Qazhehpar constituency, including names like Nurlan Bekovich Taubaev, Kudaiberger Beksulтанов, and others.

Жаңару мен жаңғыру жолы

Ел Президенті Қазақстан халқына арнаған «Жаңа Қазақстан: жаңару мен жаңғыру жолы» атты Жолдауы арқылы қазақстандықтарға саяси жүйені кешенді жаңғырту бағдарламасын ұсынды. Аталмыш Жолдауда Президент басқарудың суперпрезиденттік үлгісінен мықты Парламентті бар президенттік республикаға біржола көшу қажеттігі туралы баяндап, Парламенттің ролін күшейту арқылы «Халық үніне құлақ асатын мемлекет» тұжырымдамасын табысты жүзеге асыруға жол ашатындығын баяндады.

Мемлекет басшысы алдағы уақытта Парламенттің ролін күшейту міндеті тұрғанын, Жаңа Қазақстанның азаматтық қоғамы қалыптасқан тиімді мемлекетке айналатынын, «Күшті Президент – ықпалды Парламент – есеп беретін Үкімет» қағидаты басшылыққа алынатынын мәлімдей келе, осы стратегиялық мақсаттарға жетуге мүмкіндік беретін бірқатар бастамаларды ұсынды.



Олардың қатарында партияның мемлекеттік аппаратқа кіругіне мүлдем жол бермеу, Президенттің өкілеттігін біртіндеп қысқарта отырып, Парламенттің ролін айтарлықтай арттыру, сол арқылы мемлекетіміздің институционалды тұғырын нығайту, Сенатқа Мәжіліс қабылдаған заңдарды тек мақұлдау немесе мақұлдамау құқығын беретін норма енгізу бар. Бұл өз кезегінде азаматтардың өкілді билікке деген сенімін нығайта түспек.

Жолдауда, одан бөлек, Президенттің Сенаттағы квотасы – 15-тен 10 депутатқа дейін азайды. Оның бесеуін Қазақстан халқы Ассамблеясы қазіргідей сайламайды, тек ұсынатын болады. Ал, Есеп комитетінің орнына Жоғары аудиторлық палата құрылып, Мәжілістің мәртебесін арттыру мақсатында Жоғары аудиторлық

палата төрағасы Мәжіліс депутаттары алдында жылына екі рет есеп береді. Ролін арттырып, дербестігін күшейту мақсатында мәслихат төрағасы лауазымын енгізуді де ұсынды. Тағы бір айта кететін өзгеріс – пропорционалды-мажоритарлы үлгідегі аралас сайлау жүйесіне көшу. Аралас сайлау үлгісін облыстар



мен республикалық маңызы бар қалалардағы мәслихаттар сайлауына да енгізіледі. Ал, аудандар мен қалалардағы сайлау толығымен мажоритарлық жүйеге көшеді. Бүгінде мемлекет басшысының аталмыш Жолдауда айтқан «Жаңа Қазақстанды» құрудағы мемлекеттің алға қойған мақсаттарына сәйкес бағдарламалық ұсыныстары жүзеге асырылуда.


Құралай САТБАЕВА, заң ғылымдарының кандидаты, доцент, Е.Бөкетов атындағы Қарағанды университетінің конституциялық және халықаралық құқық кафедрасының қауымдастырылған профессоры

Екінші мүмкіндік – наурызда

Ұлттық тестілеу орталығының хабарлауынша, 20 ақпан мен 10 наурыз аралығында ақылы ұлттық бірыңғай тестілеуге қатысу үшін өтініштер қабылданауда. Биылғы екінші ҰБТ 14-30 наурыз аралығында өтеді.

Ұлттық бірыңғай тестілеуге мектептің 11 (12) сынып оқушылары, мектеп және колледждің өткен жылғы түлектері, колледждің өткен жылғы түлектері, жоғары оқу орындарына шартты түрде қабылданған студенттер, сондай-ақ, шетелде білім алған түлектер, ҚР азаматы болып табылмайтын, шетелде білім алған ұлты қазақ жастар қатыса алады.

күнді және уақытты өзі таңдауға мүмкіндігі бар. ҰБТ тапсыру құны – 4230 теңге. Айта кетсек, қаңтар айында өткен ҰБТ сынағына 123 мыңға жуық талапкер қатысып, олардың орташа нәтижесі 76 балды құрады. 102 мың талапкер шекті балл (50 балл) жинады. Тест тапсырушылардың 95 мыңы (77%) – қазақ тілінде, 28 мыңы (23%) – орыс тілінде, 91 түлек ағылшын тілінде тест тапсырған.



Өз тілшімізден

